

**ჟურნალის**  
**„სოციალურ მეცნიერებათა ვექტორები“**  
**დებულება**

**მუხლი 1 ზოგადი დებულებები**

1. საქართველოს ეროვნული უნივერსიტეტი სეუ-ს სამეცნიერო ჟურნალი (შემდგომში ჟურნალი) წარმოადგენს პერიოდულ საერთაშორისო რეფერირებად და რეცენზირებად გამოცემას, რომელიც მიზნად ისახავს აკადემიური დისკუსიის გაღრმავების ხელშეწყობას.
2. ჟურნალის სახელწოდებაა „სოციალურ მეცნიერებათა ვექტორები“, ინგლისურ ენაზე „Vectors of Social Sciences“.
3. ჟურნალს აქვს საერთაშორისო სტანდარტული სერიული ნომერი პერიოდული გამოცემებისთვის.
4. ჟურნალი გამოიცემა წელიწადში ორჯერ, ქართულ და ინგლისურ ენებზე.

**მუხლი 2. ჟურნალის მისია, მიზნები და ამოცანები**

1. ჟურნალის მისიაა სოციალური მეცნიერებების დარგისა და სამოქალაქო საზოგადოების განვითარებაში წვლილის შეტანა
2. ჟურნალის მიზნებია:
  - ა) სოციალური მეცნიერებების სხვადასხვა დარგში მნიშვნელოვანი სამეცნიერო კვლევების წარმოჩენა, ეროვნული და საერთაშორისო საზოგადოებისთვის მათი გაცნობა, ამასთანავე, აღნიშნული კვლევების საერთაშორისო ინტეგრაციის ხელშეწყობა;
  - ბ) საქართველოში ისეთ კვლევებზე მუშაობა, რომლებიც ხელს შეუწყობს ქვეყნის ევროპულ ინტეგრაციას;
  - გ) აქტიური სამეცნიერო - კვლევითი კლიმატის შექმნა
3. ჟურნალის განვითარებისთვის მთავარი ამოცანებია:
  - ა) ავტორიტეტულ საერთაშორისო სამეცნიერო ბაზებში რეგისტრაციის გზით მაღალრეიტინგულ საერთაშორისო სამეცნიერო გამოცემათა შორის ღირსეული ადგილის დამკვიდრება და მაღალი სამეცნიერო სტატუსის მოპოვება
  - ბ) ჟურნალის პოპულარიზაცია;
  - გ) თანამშრომლობის მიზნით ქართველი და უცხოელი ავტორების მოზიდვა;
  - დ) ინტერდისციპლინარული კვლევების ხელშეწყობა.

დ) აკადემიური პერსონალის, ახალგაზრდა და გამოცდილი მეცნიერ-მკვლევრების საკომუნიკაციო სივრცის არსებობისა და სამეცნიერო-შემოქმედებითი პოტენციალის განვითარების ხელშეწყობა.

4. ჟურნალი წარმოადგენს პლატფორმას მკვლევრებისთვის, რომლებიც მუშაობენ სოციალური მეცნიერებების სხვადასხვა დარგში: სამართალი, ეკონომიკა, ბიზნესი, საერთაშორისო ურთიერთობები და უსაფრთხოება, გამოყენებითი სოციალური კვლევები, განათლება, კომუნიკაციის სწავლებები, ფსიქოლოგია, პოლიტიკის მეცნიერებები და მმართველობა.

5. ჟურნალი წარმოადგენს ღიად ხელმისაწვდომ გამოცემას, რაც ნიშნავს, რომ მისი შინაარსი სრულად ხელმისაწვდომია მომხმარებლებისათვის ყოველგვარი დამატებითი გადასახადის ან რეგისტრაციის გარეშე.

6. ჟურნალი აღიარებს და ითვალისწინებს საერთაშორისო საგამომცემლო პრინციპებსა და საუკეთესო პრაქტიკას. იგი იზიარებს საერთაშორისოდ აღიარებულ ისეთ ღირებულებებსა და გამოცდილებებს, როგორცაა ბუდაპეშტის ღია ხელმისაწვდომობის ინიციატივის (BOAI) სახელმძღვანელო პრინციპები და გამოცემების ეთიკის კომიტეტის (COPE) მთავარი პრაქტიკა.

### **მუხლი 3. ჟურნალის მართვა**

1. ჟურნალის საქმიანობას ორგანიზებას უწევს ჟურნალის სარედაქციო კოლეგია და მისი ტექნიკური რედაქტორი (შემდგომში - რედაქტორი);

2. ჟურნალის მართვის ორგანოა სარედაქციო კოლეგია და იგი პასუხისმგებელია ჟურნალის აკადემიურ ხარისხსა და შინაარსზე;

3. ჟურნალი იმართება ამ დებულების მე-3 მუხლის შესაბამისად, ჟურნალის დებულებით დადგენილი ძირითადი პრინციპების საფუძველზე.

### **მუხლი 4. ჟურნალის სარედაქციო კოლეგია**

1. ჟურნალის სარედაქციო კოლეგიის შემადგენლობა განისაზღვრება არანაკლებ 5 წევრით.

2. ჟურნალის სარედაქციო კოლეგიის თავმჯდომარეა საქართველოს ეროვნული უნივერსიტეტი სეუ-ს ვიცე-რექტორი სამეცნიერო კვლევითი მიმართულებით;

3. ჟურნალის სარედაქციო კოლეგიის წევრები არიან: საქართველოს ეროვნული უნივერსიტეტი სეუ-ს ვიცე-რექტორი აკადემიური მიმართულებით, სეუ-ს და სხვა უნივერსიტეტების პროფესორები. ისინი ინიშნებიან საქართველოს ეროვნული უნივერსიტეტი სეუ-ს სამეცნიერო კვლევითი მიმართულებით ვიცე-რექტორის მიერ.

4. ჟურნალის სარედაქციო კოლეგია უფლებამოსილია:

ა) განსაზღვროს ჟურნალის სარედაქციო პოლიტიკა;

ბ) დაადგინოს სტატიების აკადემიური სტანდარტები;

- გ) შეარჩიოს გამოცემისათვის ერთი ან რამდენიმე თემა;
- დ) დაადგინოს ჟურნალისთვის სტატიების შერჩევის კრიტერიუმები;
- ე) განსაზღვროს ჟურნალის საქმიანობასთან დაკავშირებული სხვა საკითხები.

5. სარედაქციო კოლეგია იკრიბება წელიწადში ორჯერ მაინც, დასაშვებია ელექტრონული საშუალებების გამოყენებით კოლეგიის წევრების ჩართვა შეკრებაში;

6. სარედაქციო კოლეგია გადაწყვეტილებას იღებს დამსწრეთა უმრავლესობით;

7. ჟურნალის სარედაქციო კოლეგიის განუყოფელი ნაწილია კოლეგიის მრჩეველთა სამეცნიერო საბჭო. სამეცნიერო საბჭოს წევრები ამავედროულად არიან სარედაქციო კოლეგიის საპატიო წევრები.

8. კოლეგიის საპატიო წევრებს ნიშნავს და ათავისუფლებს ვიცე-რექტორი სამეცნიერო კვლევითი მიმართულებით. კოლეგიის საპატიო წევრები სარგებლობენ იმავე უფლებებით, რითაც სარგებლობენ კოლეგიის სხვა წევრები.

## **მუხლი 5. ჟურნალის შინაარსობრივი სტრატეგია**

1. ჟურნალში გამოსაქვეყნებელი სტატიების შინაარსობრივ მხარეზე პასუხისმგებელია ედოტორთა ჯგუფი.

2. ჟურნალის შინაარსობრივი საკითხები პასუხობს სოციალურ მეცნიერებათა აქტუალურ/პრობლემურ საკითხებს და პრიორიტეტს ანიჭებს ინტერდისციპლინურად შესრულებულ ნაშრომებს.

2. ინტერდისციპლინარული პროფილიდან გამომდინარე ედიტორთა გუნდი შედგება სხვადასხვა დარგის ექსპერტებისაგან, რომლებიც სტატიების შესახებ კონსულტირებას უწევენ სარედაქციო კოლეგიას.

4. ედოტორთა ჯგუფის წევრი/წევრები შეიძლება იყოს/იყვნენ საქართველოს ეროვნული უნივერსიტეტი სეუ-ს პროფესორი/პროფესორები შესაბამისი მიმართულებით.

## **მუხლი 6. რედაქცია**

1. ჟურნალს ჰყავს რედაქცია.

2. ჟურნალის რედაქცია ახორციელებს ტექნიკურ სარედაქციო საქმიანობას:

ა) უზრუნველყოფს სარედაქციო საბჭოს სხდომების გამართვას;

ბ) ორგანიზებას უწევს სტატიების კონკურსის გამოცხადებისა და მიღების პროცედურებს;

გ) უზრუნველყოფს ნაშრომების ანტიპლაგიატის პროგრამაზე შემოწმებას;

დ) უზრუნველყოფს ავტორებთან, დარგობრივ მიმართულებასთან ან რეცენზენტებთან კომუნიკაციას;

ე) ახორციელებს ნაშრომების ტექნიკურ რედაქტირებას;

ვ) უზრუნველყოფს კომუნიკაციას ეროვნულ და საერთაშორისო მონაცემთა ბაზებთან, ჟურნალის მონაცემთა ბაზების სტანდარტებთან შესაბამისობაში მოყვანას და ამასთან დაკავშირებულ საქმიანობას.

## **მუხლი 7. ჟურნალში განთავსებული სტატიების საავტორო უფლებები**

1. ნაშრომზე არაქონებრივი საავტორო უფლებები რჩება ნაშრომის ავტორს;
2. ჟურნალში გამოქვეყნებულ სტატიებზე ავტორები ჟურნალს გადასცემენ განსაკუთრებულ (ექსკლუზიურ) ლიცენზიას, რაც აგრეთვე მოიცავს ბეჭდური და ელექტრონული სახით გამოყენებას, თარგმნას, ვიზუალურ დამუშავებას. ავტორებს რჩებათ უფლება, გადაამუშავონ და რეპროდუცირება გაუკეთონ საკუთარ ნამუშევრებს, იმ პირობით, რომ ჟურნალი, როგორც პირველადი გამოცემის წყარო იქნება მითითებული.
3. ჟურნალში ნაშრომები განთავსდება - creative commons ლიცენზიით, კერძოდ Creative Commons Attribution (CC BY) 2.0 ლიცენზიით, რაც გულისხმობს მისი გამოყენების უფლებას ნებისმიერი მიზნით, წყაროს მითითების ვალდებულებით;
4. CC BY 2.0 ლიცენზიის თანახმად, ნებისმიერ პირს აქვს უფლება, გააზიაროს, გაავრცელოს, რეპროდუქცია გაუკეთოს ჟურნალს ან მის რომელიმე ნაწილს, მათ შორის, კომერციული მიზნით, რა შემთხვევაშიც იგი ვალდებულია, სრულად მიუთითოს წყარო და შესაბამისი ელექტრონული მისამართი (link) და ცვლილებების გაკეთების შემთხვევაში, წარმოაჩინოს ეს ცვლილებები.
5. CC BY 2.0 ლიცენზია არ გულისხმობს ავტორის არაქონებრივი უფლებების გადაცემას ჟურნალისათვის.

## **მუხლი 8. ჟურნალის სარედაქციო პოლიტიკა**

1. ჟურნალის ინდივიდუალური გამოცემა შეიძლება იყოს როგორც ზოგადი, ისე კონკრეტული თემატიკის შესახებ. აგრეთვე, დასაშვებია ჟურნალის სპეციალური გამოშვებების მომზადება სარედაქციო კოლეგიის გადაწყვეტილებით.
2. ჟურნალი წარმოადგენს ღიად ხელმისაწვდომ გამოცემას, რაც ნიშნავს, რომ მისი შინაარსი სრულად ხელმისაწვდომია მომხმარებლებისათვის ყოველგვარი დამატებითი გადასახადის ან რეგისტრაციის გარეშე. მომხმარებლებს უფლება აქვთ, გაეცნონ, ჩამოტვირთონ, გადაიღონ ასლი, გაავრცელონ, დაბეჭდონ, მოიძიონ ან ნაშრომების ტექსტზე მითითება გააკეთონ, ან სხვა კანონიერი მიზნით გამოიყენონ ჟურნალი და მასში განთავსებული ნაშრომები გამომცემლის ან ავტორების წინასწარი თანხმობის გარეშე, სარედაქციო პოლიტიკით განსაზღვრული Creative Commons ლიცენზიის პირობების შესაბამისად, რომელიც განსაზღვრულია ამავე დებულების მე-7 მუხლში.

## **მუხლი 9. ჟურნალში გამოსაქვეყნებელი ნაშრომების მიღებისა და შერჩევის წესი**

1. საქართველოს ეროვნული უნივერსიტეტი სეუ-ს ჟურნალში გამოსაქვეყნებლად ნაშრომების შერჩევა ხდება:
  - ა) ღია კონკურსით (call for papers);
  - ბ) სპეციალური წესით (საპატიო ნაშრომის გამოქვეყნების წესი);
2. სარედაქციო კოლეგია წყვეტს სტატიების შესარჩევად ღია კონკურსის (შემდგომში კონკურსი) ჩატარების საკითხს;
3. კონკურსი ცხადდება სეუ-ს ვებ-გვერდისა და სოციალურ მედიაში უნივერსიტეტის გვერდების საშუალებით. დასაშვებია კონკურსის შესახებ ინფორმაციის გავრცელება ინტერნეტ რესურსების ან სხვა არხების გამოყენებით;
4. კონკურსის შესაბამისი ეტაპები და მათთვის განსაზღვრული ვადები დგინდება სარედაქციო კოლეგიის მიერ;
5. კონკურსის მეშვეობით შესაძლოა, შეირჩეს ერთი ან რამდენიმე სტატია;
6. კონკურსში მონაწილე პირებმა უნდა წარმოადგინონ ამ დოკუმენტით განსაზღვრული ნაშრომი შესაბამისი მოთხოვნების დაცვით;
7. კონკურსში მონაწილე პირებმა სტატიასთან ერთად უნდა წარმოადგინონ ელექტრონული ან მყარი სახით დადასტურებული თანხმობა ნაშრომის ორიგინალობისა და გამოქვეყნების შემთხვევაში, ნაშრომზე განსაკუთრებული უფლების გადაცემის თაობაზე.

## **მუხლი 10. ნაშრომის წარმოდგენის წესი**

1. გამოსაქვეყნებელი ნაშრომი მიიღება ელ.ფოსტაზე: science@seu.edu.ge;
2. მიღებული ნაშრომი უნდა აკმაყოფილებდეს ამ დოკუმენტით გათვალისწინებულ შესაბამის მოთხოვნებს;
3. მიღებული ნაშრომის გამოქვეყნებამდე, ავტორმა წერილობითი ან ელექტრონული ფორმით უნდა დაადასტუროს მისი ორიგინალობის და გამოქვეყნების შემთხვევაში, ნაშრომზე განსაკუთრებული უფლების გადაცემა.

## **მუხლი 11. ნაშრომისთვის დადგენილი მოთხოვნები**

1. ნაშრომი წარმოდგენილი უნდა იყოს MS Word - ის ფორმატში.
2. ნაშრომის შესრულებისას გამოიყენება sylfaen-ის ფონტი, შრიფტის ზომა - 11 და დაშორება - 1.5.
3. **აბსტრაქტი:** მოიცავს მოკლე ინფორმაციას (200-300 სიტყვა) სტატიის შინაარსის შესახებ (ქართულ და ინგლისურ ენებზე).

4. **საკვანძო სიტყვები (Key words):** 4-6 სიტყვა, რომელიც მაქსიმალურად ასახავს ნაშრომის შინაარსს.

5. **შესავალი:** მოიცავს ნაშრომის აქტუალობას (არ ინომრება).

6. მთავარი ტექსტი მოიცავს კვლევის მეთოდოლოგიას, ნაშრომის შინაარსსა და შუალედურ შედეგებს; სტატიის სათაურები წარმოდგენილი უნდა იყოს გამუქებული ფონტით ან/და დახრილი შრიფტით, გამოყოფილი Headings სისტემით, ერთმანეთისგან განსხვავებული ფონტით. თითოეულ სათაურს უნდა ჰქონდეს მინიჭებული შესაბამისი დონე შემდეგი წესით:

1. სათაური

1.1. ქვესათაური

1.1.1. ქვესათაური

1.2. ქვესათაური

2. სათაური

2.1. ქვესათაური

2.2.1. ქვესათაური და ა.შ.

7. აბზაცის ყველა ხაზი უნდა იყოს თანაბრად დაშორებული მარჯვენა ველიდან. აბზაცები ერთმანეთისგან გამოიყოფა თითო ინტერვალის გამოტოვებით.

8. ციტირებების მოსანიშნად ვიყენებთ არაბულ რიცხვებს, რეფერირების დასამატებლად წინადადების ბოლოს სასვენი ნიშნის შემდეგ გადავდივართ References მენიუში და ვუთითებთ Insert Footnote.

9. სქოლიოს, ისევე როგორც მთლიანი ნაშრომის შესრულების დროს ვიყენებთ sylfaen-ს, შრიფტის ზომა-9.

10. **დასკვნა:** მოიცავს მიგნებებს, შესაძლო რეკომენდაციებსა და სამომავლო პერსპექტივებს. გთხოვთ, გაითვალისწინოთ, რომ აბსტრაქტი, შესავალი და დასკვნა არ ინომრება. ინომრება მხოლოდ ტექსტის ძირითადი ნაწილი.

11. ბიბლიოგრაფია მიეთითება ქართულ და ინგლისურ ენებზე.

## მუხლი 12. წყაროების მითითების სტანდარტები

1. ნაშრომში სათანადოდ უნდა იყოს მითითებული შესაბამისი წყაროები.
2. წყაროს მითითება უნდა გაკეთდეს არაბული ნუმერაციით სქოლიოს (footnote) სახით. ტექსტში მოცემულ სქოლიოს უნდა უსწრებდეს ჩამკეტი სასვენი ნიშანი (წერილი, ძახილის ნიშანი, კითხვის ნიშანი). სასვენ ნიშნამდე სქოლიოს გამოყენება დასაშვებია ცალკეული სიტყვის ან ტერმინის განმარტების მიზნით;
3. ქართულ ენაზე წარმოდგენილი ნაშრომების რეკომენდებული წყაროს მითითების წესებია:
4. წიგნის პირველად მითითება:

ა) ერთი ან ორი ავტორის შემთხვევაში - ავტორ(ებ)ი, წიგნის სახელწოდება ბრჭყალებში, გამომცემლობა, წელი, გვერდი ან პარაგრაფი;

მაგალითად: თ. ჰობსი, „ლევიათანი“, მერიდიანის გამომცემლობა, 1985. გვ. 268.

ბ) რამდენიმე ავტორის შემთხვევაში - პირველი ავტორი „და სხვა“ მითითებით (ავტორთა კოლექტივის შემთხვევაში: ავტორთა კოლექტივი, რედაქტორის სახელი), წიგნის სახელწოდება ბრჭყალებში, გამომცემლობა, წელი, გვერდი ან პარაგრაფი.

მაგალითად: ავტორთა კოლექტივი, რედაქტორი ა. დემეტრაშვილი, „კონსტიტუციური სამართლის სახელმძღვანელო“, გამომცემლობა „პოლივუდი“, 2005. გვ. 305.

5. წიგნის ყოველი შემდგომი მითითება - ავტორის გვარი, *იხ.* შესაბამისი პირველადი მითითების სქოლიოს ნომერი, გვერდი, ან პარაგრაფი. მაგალითად: ჰობსი, *იხ.* სქოლიო 15, გვერდი 88.
6. სტატია წიგნში: სტატიის ავტორი, სტატიის სახელწოდება, წიგნში - წიგნის მითითების წესით. მაგალითად: ფ. როუზი, „სახეობათა ევოლუცია“ წიგნში ე. ბუროუზი და ა. როჯერი (რედაქტორები), „სამართლის განსაზღვრა: ესეები პიტერ ბირკსის ხსოვნის საპატივცემულოდ“. ოქსფორდის უნივერსიტეტის პრესა, 2006.
7. პერიოდული გამოცემის სტატიის მითითება - სტატიის ავტორი, სტატიის სათაური ბრჭყალებში, გამოცემის ნომერი და გამოცემის სახელწოდება ბრჭყალებში, წელი, გვერდი ან/და პარაგრაფი. შემდგომი მითითების წესი წიგნის შემდგომი მითითების წესის ანალოგიურად.

მაგალითად: გ. კვარაცხელია, „გაუქმებულ ან ძალადაკარგულად გამოცხადებულ სადავო აქტზე საკონსტიტუციო სამართალწარმოება“, 10 „საკონსტიტუციო სამართლის მიმოხილვა“, 2016. გვ-გვ. 45-47.

8. საგაზეთო სტატიის მითითება - ავტორი, სტატიის სათაური ბრჭყალებში, გაზეთის სათაური დახრილი ფორმატით, თარიღი, გვერდები. მაგალითად: თ. პარდო-შიოპა, „Il carattere dell' Europa“, *Carriere della Serra*, 2004 წლის 22 ივნისი, გვ. 1.
9. ინტერნეტ წყაროების (ბლოგები, ვებ-გვერდები) მითითება - საგაზეთო სტატიის წესის ანალოგიურად, ვებ-გვერდისა და უკანასკნელი გადამოწმების თარიღის კვადრატულ ფრჩხილებში მითითებით.

მაგალითად: მ. კლასენი, „The best interests of the child in deportation cases: An analysis of *Ejimson v. Germany*“ *Strasbourg Observers Blog*, 2018 წლის 30 მარტი, ხელმისაწვდომია აქ: [www.strasbourgobservers.com/2018/03/30/the-best-interests-of-the-child-in-deportation-cases-an-analysis-of-ejimson-v-germany/](http://www.strasbourgobservers.com/2018/03/30/the-best-interests-of-the-child-in-deportation-cases-an-analysis-of-ejimson-v-germany/) [უკანასკნელად გადამოწმდა 2018 წლის 17 აპრილს].

10. კანონმდებლობის მითითება - მუხლის ნომერი, აქტის დასახელება, მიღების თარიღი.

მაგალითად: მუხლი 7, საქართველოს ორგანული კანონი „საქართველოს საკონსტიტუციო სასამართლოს შესახებ“. 31 იანვარი, 1996;

მუხლი 19, ადამიანის ძირითად უფლებათა და თავისუფლებათა დაცვის ევროპული კონვენცია 1950.

11. სასამართლო პრაქტიკის მითითება - სასამართლოს დასახელება, შესაძლებლობის შემთხვევაში, სასამართლოს აქტის ტიპი, საქმის, ან განაცხადის ნომერი, მხარეების დასახელება ბრჭყალებში, გადაწყვეტილების მიღების თარიღი, შესაბამისი გვერდი, ან პარაგრაფი.

მაგალითად: საქართველოს საკონსტიტუციო სასამართლოს გადაწყვეტილება საქმეზე N1/1/477 „საქართველოს სახალხო დამცველი საქართველოს პარლამენტის წინააღმდეგ“, 2011 წლის 22 დეკემბერი. პარაგრაფი 80.

მაგალითად: ადამიანის უფლებათა ევროპული სასამართლოს გადაწყვეტილება საქმეზე N9815/82 „ლინგენსი ავსტრიის წინააღმდეგ“, 1986 წლის 8 ივნისი. პარაგრაფები 41-42.

12. ციტატის მითითების წესები განისაზღვრება შემდეგი სახით:

ა) ტექსტში ან სქოლიოში მოცემული ციტატა უნდა განთავსდეს ორმაგ ბრჭყალებში:

ბრჭყალი უნდა იყოს დაბალი („), ციტატის დასრულების შემდეგ - მაღალი (“).

ბ) თუ ავტორი ციტირებული ტექსტიდან შლის რაიმე ნაწილს, წაშლილ ადგილას კვადრატულ ფრჩხილებში იწერება სამწერტილი: „... ააა“.

### **მუხლი 13. ნაშრომის გამოქვეყნების საკითხის გადაწყვეტა**

1. თუ ნაშრომს აქვს ტექნიკური ხარვეზები და არ შეესაბამება უნივერსიტეტის მიერ მოთხოვნილ სტანდარტს, ამის შესახებ ეცნობება ავტორს და ეძლევა მას გონივრული ვადა (თუმცა არაუმეტეს 7 დღისა) ხარვეზების გამოსასწორებლად.

2. მიღებული ნაშრომები გადის ანტიპლაგიატის პროგრამულ ტესტს. თუ ნაშრომი არ აკმაყოფილებს აღნიშნულ ტესტს და აღმოჩნდა, რომ დარღვეულია აკადემიური ეთიკის წესები, რეაგირება მოხდება ამ დებულების მე-14 მუხლის მიხედვით.

3. სარედაქციო კოლეგიის თავმჯდომარის მიერ შინაარსობრივი რეცენზირებისათვის ნაშრომი ეგზავნებათ დარგობრივ მიმართულებებს. მიმართულების თავმჯდომარის შერჩევით, მიმართულების ერთ-ერთი წევრი უზრუნველყოფს ნაშრომის დახურულ (blind) რეცენზირებას შესაბამისი ფორმის მიხედვით.

4. ნაშრომის ავტორის ვინაობა ცნობილია სარედაქციო კოლეგიისთვის თუმცა, არა დარგობრივი მიმართულებისათვის. ხოლო, ნაშრომის ავტორისთვის არ არის ცნობილი რეცენზანტის/რეცენზანტების ვინაობა.

5. იმ შემთხვევაში, თუ ნაშრომი ინტერდისციპლინარულია, იგი შეიძლება გაეგზავნოს ორ ან მეტ დარგობრივ მიმართულებას რეცენზირებისთვის.

6. იმ შემთხვევაში, თუ არის ინტერესთა კონფლიქტი ავტორსა და მიმართულების წევრებს შორის (მაგალითად მიმართულების წევრი არის ავტორი ან თანაავტორი), ნაშრომი იგზავნება გარე რეცენზირებისათვის.

7. გარე რეცენზირების დროს, ისე როგორც შიდა რეცენზირების შემთხვევაში, პროცესი არის დახურული (blind).

8. რეცენზირების ვადა შეადგენს 2 კვირას (რეცენზირების ფორმა, დანართი N1).

9. ნაშრომების შერჩევას, შესაბამისი დარგობრივი მიმართულების განხილვის შემდეგ, ახდენს სარედაქციო კოლეგია.

10. შერჩეული ნაშრომების ავტორებს კოლეგიის გადაწყვეტილების შესახებ ეცნობებათ ელექტრონული ფოსტის საშუალებით.

### **მუხლი 14. სტატიის შინაარსობრივი სტანდარტები**

1. ყველა ნაშრომი, რომელიც წარედგინება სარედაქციო კოლეგიის, უნდა იყოს ორიგინალი ან მითითებული უნდა იყოს მისი პირვანდელი გამოქვეყნების დრო და ადგილი, აგრეთვე,



დადასტურებული უნდა იყოს ავტორის უფლება, ხელახალი ან განახლებული რედაქციით გამოქვეყნების თაობაზე; აღნიშნულის ნაშრომის მნიშვნელობიდან გამომდინარე გადაწყვეტილებას ყოველი კონკრეტული სტატიის შესახებ იღებს სარედაქციო კოლეგია.

2. ჟურნალში გამოსაქვეყნებელი ნაშრომი უნდა იყოს აქტუალურ, პრობლემურ ან მნიშვნელოვან საკითხზე ფოკუსირებული;

3. ნაშრომი მიზნად უნდა ისახავდეს დარგში არსებულ დისკუსიაში ჩართვას ან ახალი დისკუსიის წამოწყებას, მასში უნდა იყოს მოცემული მყარი არგუმენტები, დასაბუთებული მოსაზრებები და ავტორისეული დასკვნები;

4. ნაშრომში კვლევის მეთოდოლოგიის არსებობის შემთხვევაში, იგი სრულად უნდა იყოს დაცული.

### **მუხლი 15. ეთიკის საკითხები და დარღვევებზე რეაგირება**

1. ჟურნალი აღიარებს და პატივს სცემს აკადემიური და სამეცნიერო ეთიკის წესებს.

2. ჟურნალი უზრუნველყოფს ინტერესთა კონფლიქტის გამორიცხვას რედაქტირების პროცესში.

3. ავტორებს მოეთხოვებათ, დაიცვან ეთიკის წესები, რაც გულისხმობს ავტორის/ავტორების სათანადო მითითებას, წყაროების სწორ გამოყენებას, ფალსიფიკაციის და ფაბრიკაციის გამორიცხვას, ნაშრომის შემუშავებაში მონაწილე პირთა სათანადო მითითებას, პერსონალური მონაცემების პატივისცემას და სხვა საკითხებს;

4. ჟურნალი მიესალმება და წახალისებს გამოქვეყნებული ნაშრომების განხილვასა და კრიტიკას აკადემიურ თუ სოციალურ სივრცეში.

5. ჟურნალში გამოქვეყნებულ ნაშრომში/ნაშრომებში აღმოჩენილი დარღვევის შემთხვევაში, ნებისმიერ პირს აქვს უფლება, მიმართოს ჟურნალის რედაქციას ელ-ფოსტის მეშვეობით, მისამართზე: [science@seu.edu.ge](mailto:science@seu.edu.ge) და მოითხოვოს საკითხის შესწავლა და შესაბამისი რეაგირება.

6. სარედაქციო კოლეგია ვალდებულია, ყველა ასეთი განაცხადი განიხილოს გონივრულ ვადაში და დასაბუთებული პასუხი აცნობოს განმცხადებელს. განაცხადის თაობაზე ავტორს/ავტორებს ეძლევათ შესაძლებლობა, საკუთარი განმარტება წარმოადგინონ. დარღვევის დადასტურების შემთხვევაში, სარედაქციო კოლეგია იღებს გადაწყვეტილებას რეაგირების შესახებ.

7. ჟურნალი უფლებამოსილია, გამოიყენოს ნაშრომის უკან გამოხმობის ცვლილების განხორციელება. აღნიშნულზე გადაწყვეტილებას იღებს სარედაქციო კოლეგია. გამოცემის მომდევნო ნომერში უნდა აისახოს შესაბამისი გადაწყვეტილება სათანადო დასაბუთებით.

## **მუხლი 16. პლაგიატის აკრძალვა**

1. დაუშვებელია ჟურნალში გამოსაქვეყნებელ ნაშრომებში პლაგიატი. ავტორმა/ავტორებმა უნდა უზრუნველყოს/უზრუნველყონ ნაშრომში მოცემული ინფორმაციის წყაროს ზუსტი და სწორი მითითება;
2. ჟურნალში გამოსაქვეყნებლად წარდგენილი ყველა ნაშრომი მოწმდება პლაგიატის სპეციალურ პროგრამაში Turnitin.
3. პროგრამის მიერ აღმოჩენილი დამთხვევები ინდივიდუალურად ფასდება რედაქტორის მიერ და ხდება მისი სისწორის დადგენა;
4. როგორც წესი, ნაშრომის ორიგინალი ტექსტი უნდა შეადგენდეს სტატიის მინიმუმ 90 პროცენტს. სტატიის დარგის სპეციფიკიდან გამომდინარე, შესაძლოა, ტექსტში იყოს მეტი ციტირება.
5. პროგრამის მიერ დამთხვევის დადგენის შემთხვევაში, ავტორს ეცნობება პლაგიატის აღმოჩენის შესახებ და მოეთხოვება განმარტებისა და შესწორების წარმოდგენა.
6. თუ ავტორი უარს ამბობს განმარტებაზე, ნაშრომი არ განიხილება გამოსაქვეყნებლად. თუ ავტორის განმარტება მიუთითებს გულწრფელ შეცდომაზე, ან დამთხვევის მიზეზი მკვლევრის გამოუცდელობაა, სარედაქციო კოლეგია უფლებამოსილია, ავტორს განუხსნავდეს გონივრული ვადა, არაუმეტეს 5 ხუთი სამუშაო დღისა, შეცდომის გამოსასწორებლად.
7. რედაქციის მოთხოვნის გაუთვალისწინებლობის შემთხვევაში, ნაშრომი არ გამოქვეყნდება ჟურნალში. განმარტების ან/და ცვლილების მოთხოვნაზე დაუსაბუთებელი უარის თქმის შემთხვევაში, რედაქტორი ან/და სარედაქციო კოლეგია იტოვებს ამ ავტორის/ავტორების მიერ მომავალში წარდგენილი ნაშრომების გამოქვეყნებაზე უარის თქმის უფლებას;
8. გამოქვეყნებულ ნაშრომში მესამე პირის მიერ პლაგიატის აღმოჩენის შემთხვევაში, აღმოჩენილი უფლებამოსილია, მიმართოს ჟურნალის რედაქციას ელ-ფოსტის საშუალებით მისამართზე: science@seu.edu.ge და მოითხოვოს ფაქტის გამოკვლევა, აგრეთვე, პლაგიატის პროგრამიდან ამონაწერი დამთხვევების შესახებ. პლაგიატის დადასტურების შემთხვევაში, ჟურნალის მომდევნო გამოცემაში განთავსდება პლაგიატის შესახებ ინფორმაცია და რედაქტორი ან/და სარედაქციო კოლეგია იტოვებს პლაგიატი ავტორის/ავტორების მიერ მომავალში წარდგენილი ნაშრომების გამოქვეყნებაზე უარის თქმის უფლებას.

## **მუხლი 17. სტატიის გამოქვეყნების ერთიანი პროცედურა და ვადები**

ჟურნალი გამოიცემა წელიწადში ორჯერ - ივნისსა და დეკემბერში - შემდეგი პროცედურის დაცვით:

1. რედაქციის შეთავაზებიდან არაუგვიანეს 1 კვირისა სარედაქციო კოლეგია იღებს გადაწყვეტილებას სტატიათა კონკურსის გამოცხადების თაობაზე.

2. სტატიათა კონკურსი უნდა გამოცხადდეს სტატიათა მიღების ბოლო დღიდან, არაუგვიანეს 6 კვირისა, რათა კონკურსანტებს ჰქონდეთ მინიმუმ 6 კვირა სტატიის მოსამზადებლად.
3. სტატიათა მიღების შემდეგ, 2 კვირის ვადაში ხდება მათი შემოწმება ანტიპლაგიატის სისტემაში.
4. პლაგიატის პრობლემის აღმოჩენის შემთხვევაში, ავტორებს ეძლევათ 1 კვირიანი ვადა, გაასწორონ სტატიები შესაბამისი მითითებების მიხედვით.
5. ნაშრომები იგზავნება რეცენზირებისათვის. აღნიშნული პროცედურა მთლიანობაში საჭიროებს 2 კვირიან ვადას.
6. რეცენზირების უარყოფითი შედეგების შემთხვევაში, დაუყოვნებლივ ეცნობება ავტორს.
7. რეცენზირების დადებითი შედეგის შემთხვევაში, ნაშრომი ექვემდებარება ტექნიკურ რედაქტირებას. აღნიშნული პროცედურა გრძელდება 2-დან 4 კვირამდე.
8. ამ პროცედურების შემდეგ ნაშრომები იგზავნება დასაკაბადონებლად. აღნიშნული პროცედურა გრძელდება 2 კვირა.
9. დაკაბადონების შემდეგ სტატიები დაუყოვნებლივ ქვეყნდება ჟურნალის ვებ-გვერდზე ელექტრონული სახით და გადაეცემა გამომცემლობას დასაბეჭდად.
10. სტატიების კონკურსის გამოცხადების დღიდან სტატიის გამოქვეყნება, როგორც წესი, საჭიროებს 19-20 კვირას.
11. ობიექტური გარემოებების არსებობისას შესაძლოა, სტატიების გამოქვეყნების ვადა გაიზარდოს 2 კვირით.

#### **მუხლი 18. სტატიების გამოქვეყნების ღირებულება**

ჟურნალში სტატიის გამოსაქვეყნებლად ავტორებს არ მოეთხოვებათ რაიმე სახის საფასურის გადახდა.